

EAST ASIAN LIBRARY  
RM 8049 ROBARTS LIBRARY  
UNIVERSITY OF TORONTO  
TORONTO, CANADA M5S 1A5

漢魏六朝百三家集

梁


第八十冊

劉豫章  
劉中庶











劉豫章集



劉豫章庶子集題詞

劉士章文章談義領袖後進七子三  
女多擅才學孝綽品藻群弟嘗云三  
筆六詩三謂孝儀六謂孝威也第五  
弟孝勝第七弟孝先無預焉侯景寇  
亂孝儀遣子入援身受賊逼失郡病



亡孝威困躋危城自拔得出崎嶇西  
上亦抱疾不起假使時清國晏兄弟  
連騎續立圃之舊遊領高齋之述作  
扶風世業鄴苑清吟重篇大帙必偉  
觀聽而長鯨疾驅逝死不暇林焚池  
竭遺章濶如就所披涉則孝儀筆勝



孝威詩勝伯兄之言良不謬也士章  
掌齊詔誥孝綽年十四輒使代草父  
子相知異於謝方明之有謝惠連然  
士章知子孝綽知弟二者固並美天  
倫焉

婁東張溥題



仁孝成國體  
建東亞新猷  
精竭忠貞

命壽世民  
不起假使  
時清國興  
是美

士章映千華  
韓映後  
二首固並美天

千映映異於  
樹衣樹之  
有樹高樹然

聖夜詣詣  
華年十四  
聯外外草父

平風荷  
樹外外  
立言身不  
變必士章



梁劉豫章集目錄

賦

歎別賦

表

爲江侍中薦士表

爲江僕射禮薦士表

爲雍州柳津請留刺史晉安王表

爲臨川王解司空表

爲晉安王讓丹陽尹表



爲安成王讓江州表

又

爲臨川王解揚州表

爲南平王讓徐州表

爲臨川王奉詔班師表

爲始興王上毛龜表

彈文

彈賈執傅湛文

啓



謝女出門官賜紋絹燭等啓

除建康令謝啓

上東宮啓

爲晉安王謝東宮賜玉環刀啓

爲晉安王謝賜鵝鴨啓

謝東宮賜橘啓

謝東宮賚酒啓

謝晉安王賜銀褰絲帶啓

謝晉安王賜柑啓



謝晉安王賚蝦醬啓

謝豫章王賜牛啓

謝豫章王賜馬啓

爲武陵王謝賜第啓

謝始興王賜車牛啓

謝始興王賜花純簾啓

謝始興王賜柰啓

謝鄱陽王賜鉢啓

爲王儀同謝宅啓



爲王儀同謝國姻啓

書

北使還與永豐侯書

連珠

採物作豔體連珠二首

碑

雍州金像寺無量壽佛像碑

銘

平等剎下銘

有序



樂府

從軍行

詩

和昭明太子鍾山解講

和簡文帝塞漢高廟

行過康王故第苑

閨怨

帆渡吉陽洲

詠簫



詠織女

詠石蓮

和詠舞

又和

舞就行

附錄

本傳

梁劉豫章集目錄終







劉豫章集卷全

梁彭城劉 潛著

明太倉張 溥閱

賦

歎別賦

在羈旅兮爲思、每居常而不樂、意難偕於駘蕩、  
情易邀於隕穫、愁非招而自來、憂試排而不却、  
退求已以自省、慨撫衿而太息、位不俟於一進、  
髮徒彰於二色、名有似於務耕、學無均於譬織、



在初歸之爲慶。庶因拙而自收。保私庭之宴喜。  
共昆弟而嬉遊。校小文於搢筆。比楷式於臨流。  
止每歡於接膝。行如喜於同軌。忽一去而數千。  
遂離居而別域。阻同被於當寐。乖共餐於終食。  
唯憑遠望。以代歸負。相思其無力。



表

爲江侍中薦士表

臣聞天道不言。資寒暑而成歲。宸居垂拱。寄守  
宰以宣風。若夜魚不欺。朝琴在奏。則殘殺自去。  
汾射可追。伏見鎮北府水曹叅軍濟陽江興字  
休恭。立身貞白。操業清廉。頗涉書記。彌閑刀筆。  
前攝縣沮漳。無傷錦製。巡行淮海。不忝繡衣。若  
處以百里之邑。使導一鄉之賦。必能治文無害。  
迄用有成。臣舉不避族非。欲異姓居後。知人爲



難實緣所悉而薦

爲江僕射禮薦士表

陛下緝禮裁樂、化俗移風、當宸思治、分宵夢相、  
枯岸之珠、旣掄潤山之玉、已薦伏見、兼太學博  
士、會稽賀瑒、字德璉、幼能斧藻、長則琢磨、結卷  
就賢、擔簦來學、鄉塾染其舟采、朋友扣其洪鍾、  
聲無愧於束筠、材有踰乎西杞、如使聯事宗伯、  
握蘭建禮、庶用得其才、人知自勗、臣鑒非止水、  
職豫搜揚、前竭諛聞、先自鄉曲、

爲雍州柳津請留刺史晉安王表

楚備寶臣。秦兵不入。齊多君子。魏珠恥照。足使  
文公懼而側席。孟軻歎而廢寢。敢言借寇之願。  
切望申取之恩。陛下昔在潛龍。因茲或躍。固以  
陋膺膺於周原。包匆匆之佳氣。昔次君出撫。近  
駕班輪。喬卿在政。遙授袞服焉。馮熊軾而督盜。  
御龍章而行部。無虧夔理。有光司牧。

爲臨川王解司空表

臣以庸薄。謬竊隆重。職班三事。任總六條。衣袞



坐槐旣闕論道、馳傳憇棠、尤慚爲政而俯司土地、仰燮陰陽、棟撓之譏已彰、愆伏之咎爰著、今水沴乃作、旱魃爲災、山無蒼蔚、雲成煙火、陛下曲私未垂、策免臣職、是當逖責、乞降茲台步、協此天人、

爲晉安王讓丹陽尹表

臣聞盈尺徑寸、易取琢磨、南箕北斗、難爲簸挹、何則良工質美、在器成珍、假名責實、涉求必殆、爲安成王讓江州表

臣聞失晨之雞。雖不忌於改旦。敗駕之馬。終取  
忤於銜鑣。臣昔牧淮岱。皇風咫尺。一變至道。易  
以爲政。而亂政莫理。美錦徒傷。豈可復宣六條。  
闡化千里。

又

臣聞六轡沃若。不策立黃之馬。九成輪奐。無求  
擁腫之材。何則。跳踯之路已窮。梁棟之用斯闕。  
爲臨川王解揚州表

臣自馳傳斗牛。作牧淮海。政刑兩空。璿璣六運。



旣昧弛張之要、猶慚大小之獄、故以結泳濡翼、  
取愧能官、每一進思、無忘退食、誠復恩私可憑、  
而彛倫難紊、敢恃慈弘、冒披心款、乞解州任、少  
弭素餐

爲南平王讓徐州表

竊以淮岱務殷、事垂坐嘯、枌榆望重、非可卧治、  
臣縣頓枕席、動移旬晦、恒恐尺波易流、寸陰難  
保、寧可復冒此寵、膺茲恩榮、

爲臨川王奉詔班師表

臣自受服廟堂申威塞表。旣驅熊羆之衆。燕喜帷幄之謀。登濟河山。夷滅趙魏。將繫軹道之頸。且屈渭橋之膝。而立陰屈節。神寒方始。降此慈弘。愍茲介胃。使燕然之石。願勒而不刊。函谷之土。將封而莫遂。雖荷杖杜之恩。終慙采薇之旨。爲始興王上毛龜表。

臣聞嘉瑞五靈。旣著方策。故名千載。可得而傳。是以立蔡赤文。來表軒黃之政。神龜青純。用顯姬公之德。出自江安。實荷譙夷之慶。甲生毳羽。



宜非銷鑄之徵實皇家之巨瑞庶民之休幸

彈文

彈賈執傳湛文

長兼御史中丞劉孝儀稽首言南康嗣王府行  
叅軍知譜事賈執與前中書舍人傳湛在王座  
飲酒時上不安人從臺還聖體已和湛乃揚眉  
瞋目謂執曰卿念天子我不見闕出悖慢言語  
連及於上共執忿爭湛昔經殺牛誤父自殺近  
效殘貪賄賂狼藉特逢解網宥其餘命自被棄  
廢尤懷怨憤謗訕不遜謹按前兼通事舍人臣



傳湛才薄，駑蹇特荷，抽擢自預左右，頻蹈極刑，  
押對鞠書，累逢闕過，未聞報効，反懷恚憤，聖體  
不安，臣下憂懼，而湛敢生怨望，輕肆慢辭，醜爭  
及父，心無愛敬，戲語違上，罪同悖逆。未央馬瘦，  
不覩廐令之忠，甘泉道蕪，遽見扶風之罪，宜其  
徇乎東市。尸彼轂門，南康嗣王府叅軍臣賈執  
始聞湛語，初無逐雀之心，末因私忿，遂顯懷鵠  
之逆，雖迹似折奸，意由肆憾，惡慢於人，自彰穢  
醜，見辱父子，已會季倫之辭，爭及其父，復入梁

蚡之歎。是使王嬙悲於連累。黑要喜於得用。太子舍人始興蕃王臣蕭毅幸因祉祚。爵預藩屏。而散金失所。設醴乖人。雍容之賓未遊於雕苑。號怒之客日醉於雷池。致使博徒跣弛。慢醉盈路。醜顏受辱。曾無發糾。並恕伯厚之心。俱鳴路粹之責。臣等衆議。請以見事依法。免毅所居官。解執知譜事。請議貶黜。付之卿論。不得廝預。官流刺尚施行。輒不禁止。



金華集

卷八

啓

謝女出門官賜紋絹燭等啓

臣孝儀啓、左右袁文成奉宣旨、宜知臣私營發遣、垂賜紋絹二十疋、燭二十挺、臣家本貧敝、事多蹇闕、桓室金縷、本非所宜。孟姬作具、猶苦未周。殊澤未臨、珍華兼重、制爲美服、雙綺易儔。秉而不息、三夜有待。臣名品卑末、事隔榮賜、慈渥之隆、實見因心。小人賤微、豈能勝報。

除建康令謝啓



所○恐○長○安○少○年○易○爲○操○彈○渭○城○游○徼○矜○其○獨○勇○  
清○路○道○奴○固○知○難○惛○輕○綏○飛○駕○且○見○爲○榮○

上東宮啓

亡從弟遵百行無點千里立志同氣三荆之友  
假寢十起之慈皆體之於自然行之如俛拾自  
碣宮陪宴釣臺從幸攀附鱗翼三十餘載茫昧  
與善一旦長辭劍匿光芒壁碎符采躬搖神筆  
親動妙思雖每想南皮書憶阮瑀行經北館歌  
悼子侯不足輩此深仁齊茲舊愛

爲晉安王謝東宮賜玉環刀啓

苗密珍鋌。利極鉤鉞。謹當擁以雄身。藉而安體。  
不令北海小雍。孤擅穿膝之奇。廬江佩刀。獨表  
不欺之驗。

爲晉安王謝賜鵝鴨啓

形類沈文。經符陶記。晉臣羞筮。吳覲未占。復有  
背如車蓋。胃垂却月。口疑犀櫓。脚似魚懸。出九  
芝之池。去千金之沼。

謝東宮賜橘啓



多置守民。晉爲厚秩。坐入縑素。漢譬封君。固以  
倪匹穰橙。俯聯楚柚。寔似魏瓜。借清泉而得冷。  
豈如蜀食。待飴蜜而成甜。重以倒影陽池。垂華  
金堞。信可珍若榴於式乾。貴蒲萄於別館。

謝東宮賚酒啓

異五齊之甘。非九醞之法。屬車未曾載。油囊不  
得酤。試儔仙樹。葛立泥首。才比蒲桃。孟他銜璧。  
固知託之養性。妙解怡神。擬彼聖人。差得連類。  
謝晉安王賜宜城酒啓

孝儀啓奉教垂賜宣城酒四器。歲暮不聊。在陰  
卽慘。惟斯二理。總萃一時。少府闡猴。莫能致笑。  
大夫落雉。不足解顏。忽值瓶瀉椒芳。壺開玉液。  
漢遵莫遇。殷杯未逢。方平醉而遁仙。羲和耽而  
廢職。仰憑殊塗。便申私飲。未矚壘恥。已觀幘岸。  
傾耳求音。不聞霆擊。澄神密眊。豈覲山高。愈疾  
消憂。於斯已驗。遺榮勿賤。卽事不欺。醕酎之中。  
猶知銘荷。

謝晉安王賜銀褰絲帶啓



雕鏤新奇。織製精潔。越中玉女。不得關思。上方  
名匠。莫能議巧。人情駭觀。如見買臣之綬。望貌  
移姿。似逢子訓之術。

謝晉安王賜柑啓

便得削彼金衣。咽茲玉液。甘踰萍實。冷亞水圭。  
立消煩餽。頓除醅酖。追嗤齊相。進不剖之實。遠  
笑魏君。逢裂牙之味。

謝晉安王賚蝦醬啓

龍醬傳甘。退誠可陋。舐醢稱貴。追覺失言。上聖

聞雷。未之能覆。嘉賓流歎。羞無辭宴。

謝豫章王賜牛啓

觀其毛角相合。骨像應圖。曳流水而生。光驚高。  
限。其如接。遂使上阜。輒駕下澤。是驅馮軾脩途。  
旣獲坐馳之致。馴拳廣庭。方念載憂之勗。

謝豫章王賜馬啓

出自北冀。來從東道。僂越兩騄。駟同八駿。脩坂。  
且厲。無復良樂之鳴。長楸可走。不假幽并之策。  
爲武陵王謝賜第啓



竊以南望朱鳥。北距蒼龍。右帶御溝。左廻青路。  
早晏嬰之湫隘。同潘岳之閒居。臣幼自宮掖。長  
游城府。雖輪奐之美。多門而館第之私。未暇今  
輕舟將反。高門遽錫。遂葺宇築室。百堵皆興。雲  
屋連薨。一朝弘敞。

謝始興王賜車牛啓

下官安於躡屩。習以成性。乘堅驅駿。未所厝心。  
慈渥無涯。每垂獎飾。無復難載之朋。將申共弊  
之美。濯龍望水。未足儔光。長門聽雷。不能均響。

謝始興王賜花紉簾啓

麗兼桃象。周洽昏明。便覺夏室已寒。冬裘可襲。雖九日煎沙香粉。猶弃三旬沸海團扇。可捐。

謝始興王賜柰啓

酒泉之實。稱於王賦。瓜州之味。記自張文。亦有太冲。嗟其夏成。子建。暢其寒熟。潘園。曜白。孫井。浮朱。並見重於昔時。而霑恩於茲日。

謝鄱陽王賜鉢啓

珍窮貨貢。製極範金。用貴寶樽。文包龍鼎。雕鏤。



海籍圖載山經閭衆靈於器中弄神姦於掌裏  
足令任后所欲遠慙漢世少君有覲遙荒齊寢

爲王儀同謝宅啓

昔晏嬰湫隘齊景營其爽塏孫厯無家晉武爲  
之築館或功高千載德重一時故蒙考室之榮  
以降葺宇之澤並辭而處傳芳前載臣才愧昔  
人恩同往哲豈宜妄荷重增疵吝但匈奴未滅  
遽當輪奐之美環堵爲室遂得歌哭於斯

爲王儀同謝國姻啓

卽日主書王靜民宜勅安吉主降嬪臣第三息  
實臣素里庸族蓬衡賤品事隔伊緡之理望絕  
下嫁之姬而聖慈猥洽皇姻曲逮荆布陋飾已  
膺几獎負薪微屑復降肅邕頻煩叨荷內外榮  
抃





書

北使還與永豐侯書

足踐寒地身犯朔風暮宿客亭晨炊謁舍飄飄  
辛苦迄屆氈鄉雜種覃化頗慕中國兵傳李緒  
之法樓擬衛律所治而毳幙難淹酪漿易厭王  
程有限時及玉關射鹿胡奴乃典歸國刻龍漢  
節還持入塞馬銜苜蓿嘶疑故墟人獲蒲萄歸  
種舊里稚子出迎善鄰相勞倦握蟹螯亟覆蝦  
枕每取朱顏略多自醉用此終日亦以自娛



...

...

...

...

...

...

...

...

...

連珠

採物作豔體連珠二首

妾聞洛妃高髻。不姿於芳澤。立妻長髮。無藉於金鈿。故雲名由於自美。蟬稱得於天然。是以梁妻獨其妖艷。衛姬專其可憐。

妾聞芳性深情。雖欲忘而不歇。薰芬動慮。事逾久而更思。是以津亭掩馥。抵結秦婦之恨。爵臺餘妬。追生魏妾之悲。





碑

雍州金像寺無量壽佛像碑

昔堯乃則天。莫能名其聖。邱纔譬日。無得稱其道。况復欲宣五品。將歎三法。固使迦葉。恥其無智。龍樹羞其非辯。猶聞獻蓋長者。頌以七言。無學比丘。陳其百句。至有九輩性生。一身補處。塵洗玉池。神聞金葉。樹聲繁會。趙簡於是未聞。地實焜煌。周穆之所不見。昔者出城石轉。還林現疾。夢樹既沉。梵花獨反。猶有香杖。疊衣紅爪。紺



髮可得崇以妙利。顯用珍函。彼彌陁感化殊攝。  
日輪照曜。月面從容。毫散珠輝。脣開異色。似含  
微笑。俱注目於瞻仰。如出軟言。咸傾耳於諦聽。  
像復以其夕出住寺門。始則映顯巖間。猶對鷲  
山之禮。未又徘徊閭外。似救毗城之疾。空中生  
樹。豈曰難思。火內披蓮。未爲多有。銘曰  
奄有淨國。寶應多祉。葉產梵童。花開釋子。玉蓮  
交映。銀荷遞起。伊尹慙桑。伯陽羞李。

銘

平等剎下銘

有序

香薪已燎，花疊盡然。頻果絕其軟言，綿毫收其  
廣照。紺鉢遺采，託慕所依。紅爪餘暉，申悲是寄。  
因使金表爭構，玉剎競脩。豈止天界飾其四圍，  
龍宮陳其七寶。樹似菴林，峯疑鷲色。孕吐仙霧，  
湧漱靈泉。燕室緣雲，精廬切漢。制蕪秘殿，采美  
御房。羲和假道於累恩，翔鸞迴翼於飛棟。建章  
厭勝未及，雕礪甘泉。避暑豈窮輪奐，檻綴玫瑰。



階填粟玉絡以如意飾用沉檀火齊勝明燭銀  
颺采釋梵奪其身光日車貶其輪照辭曰

惟茲寶塔妙跡可傳盤稱鄴境樓美涪川雙龍  
虛繞九鳳徒懸豈如神刹耿介凌煙珠含魄月  
幡垂淨天寶鐸夜響銀地朝鮮檐棲迥霧砌卷  
香蓮翻蠹下梵墜鶴歸仙洹沙擾擾世界綿綿  
踐茲勝影祛彼蓋纏

樂府

從軍行

冠軍親挾射。長平自合圍。木落雕弓燥。氣秋征  
鴈肥。賢王皆屈膝。幕府復申威。何謂從軍樂。往  
返速如飛。





詩

和昭明太子鍾山解講

詔一作韶

樂臨東序時駕出西園。雖窮理遊盛終

爲塵俗喧。豈如弘七覺。揚鸞啓四門。夜氣清簫  
管。曉陣爍郊原。山風亂采眊。初景麗文轅。林開  
前騎騁。逕曲羽旄屯。煙壁浮青翠。石瀨響飛奔。  
迴輿下重閣。降道訪真源。談空匹泉涌。綴藻邁  
弦繁。輕生逢遇誤。並作輩龍鵠。顧已同偏爵。何  
用挹衢樽。



和簡文帝賽漢高廟

珪幣崇明祀，牲樽禮貴神。風驚如集廟，光至似  
來陳。徘徊靈駕入，叫咷倡歌新。將言非爲已，致  
敬乃祈民。多才與多事，今古獨爲鄰。

行過康王故第苑

入梁逢故苑，度薛見餘宮。尚識招賢閣，猶懷愛  
士風。靈光一超遠，衡館亦蒙籠。洞門餘舊色，甘  
棠留故蔕。送禽悲不去，過客慕難窮。池竹徒如  
在，林堂幾已空。遠橋隔樹出，迴間隱岸通。芳荒

小山桂塵起，大王風具物。咸如此，是地感余衷。  
空想陵前劍，徒悲壟上童。

閨怨

本無金屋寵，長作玉階悲。一乖西北麗，甯復城南期。  
永巷愁無歇，玉臺作盡應門閉有時。空勞織素巧，徒爲團扇詞。匡牀終不興，何由橫自私。

帆渡古陽洲

揚帆乘浪華，撻鼓要風力。近樹儵而遐，遙山俄已逼。欲比驚龍掣，將頓陽鳥翼。客行悲道遠，唯



須前路極

詠簫

危聲合鼓吹，絕弄混笙簧。  
管饒知氣促，釵動覺唇移。  
蕭一作仙史安爲貴，能令秦女隨。

詠織女

金鈿已照曜，白日未蹉跎。  
欲待黃昏後，含嬌渡淺河。

詠石蓮

蓮名甚百萬，石姓重千金。  
不解無情物，那得似

人心

和詠舞

迴履裾香散、飄衫鈿響傳、低釵依促管、曼睇入繁絃、

又和

轉袖隨歌發、頓履赴絃餘、度行過接手、迴身乍歛裾、

舞就行

依歌移弱步、傍竹艷新粧、徐來翻應節、亂去反



成行

本傳

劉潛字孝儀秘書監孝綽弟也。幼孤與兄弟相勵勤學並工屬文。孝綽常曰三筆六詩三卽孝儀六孝威也。天監五年舉秀才起家鎮右始興王法曹行叅軍隨府益州兼記室王入爲中撫軍轉主簿遷尚書殿中郎敕令製雍州平等金像碑文甚宏麗。晉安王諱出鎮襄陽引爲安北功曹史以母憂去職王立爲皇太子孝儀服闋仍補洗馬遷中舍人出爲戎昭將軍陽羨令甚



有稱續擢爲建康令大同三年遷中書郎以公  
事左遷安西諮議叅軍兼散騎常侍使魏還復  
除中書郎頃之權兼司徒右長史又兼寧遠長  
史行彭城琅琊二郡事累遷尚書左丞兼御史  
中丞在職彈糾無所顧望當時稱之十年出爲  
伏波將軍臨海太守是時政網疎濶百姓多不  
遵禁孝儀下車宣示條制勵精綏撫境內翕然  
風俗大革中大同元年入守都官尚書太清元  
年出爲明威將軍豫章內史二年侯景寇京邑

粲入援。三年，宮城不守，孝儀爲前歷陽太守莊  
鐵所逼，失郡。大寶元年病卒，時年六十七。孝儀  
爲人寬厚，內行尤篤。第二兄孝能早卒，孝儀事  
寡嫂甚謹。家內巨細，必先諮決，與妻子朝夕俱  
事，未嘗失禮。世以此稱之。有文集二十卷，行於  
世。

梁劉豫章集終

劉象章集

卷全

傳

三





列子集

目錄

卷一



劉  
鹿  
子  
集

啓

謝賚宮紙啓

謝賚錦被啓

謝勅賚畫屏風啓

謝賚熊白啓

謝東宮賜聖僧餘饌啓

謝東宮賜淨饌啓

謝晉安王賜婚錢啓



謝東宮賚炭啓

謝東宮賚鹿脯等啓

謝東宮賚藕啓

爲皇太子謝勅賚功德馬啓

謝南康王饗牛啓

書

謝賚林擒書

贊

辟厭青牛畫贊

正旦春雞贊

樂府

隴頭水

驄馬驅

公無渡河

塘上行苦辛篇

東西門行

怨詩

採蓮曲



小臨海

思歸引

妾薄命篇

鬪雞篇

結客少年場行

行行且遊獵篇

雀乳空井中

半渡溪

獨不見

行幸甘泉宮歌

笙篴謠

驄馬驅

和王竟陵愛妾換馬

擬古應教一首

鷄鳴篇

烏生八九子

詩



重光詩

侍宴樂遊林光殿曲水

奉和簡文帝太子應令

三日侍皇太子曲水宴

奉和六月壬午應令

登覆舟山望湖北

帆渡吉陽洲同孝儀賦

出新林

郊縣遇見人織率爾寄婦

侍宴賦得龍沙宵明月

奉和晚日

和皇太子春林晚雨

行還值雨又爲清道所駐

望雨

苦暑

奉和逐涼

望棲鳥

和簡文帝臥疾



賦得曲澗

奉和湘東王應令二首

春宵

冬曉

詠織女

七夕穿針

九月酌菊酒

賦得鳴蟬應令

和定襄侯初筭

古體雜意

詠佳麗

望隔墻花

枯葉竹

和簾裏燭

詠剪綵花

禊飲嘉樂殿詠曲水中燭影

賦得香出衣

附錄



本傳

劉庶子目錄終

虞子集卷全

梁彭城劉孝威著

明太倉張溥閱

啓

謝賚宮紙啓

臣與謝嘏俱慙具聖臣之衝梯實愧魯般之巧嘏之城壘特無禽子之守攻弱侮亡其勞甚薄策勲行賞爲渥過隆雖復鄴殿鳳銜漢朝魚網平準桃花中宮穀樹固以慙茲靡滑謝此鮮華



謝賚錦被啓

色豔蒲桃。采踰聯璧。鄂君慙繡。楚侍羞珠。雖復  
帝賜鶴綾。客贈鴛綺。高懸麗藻。遠謝鮮明。漢老  
悅其怪文。魏馬驚其香氣。

謝勅賚畫屏風啓

昔紀亮所隔。惟珍雲母。武秋所顧。止貴琉璃。豈  
若寫帝臺之基。拂崑山之碧。畫巧吳筆。素踰魏  
賜。馮商莫能賦。李尤誰敢銘。

謝賚熊白啓

竊以館有射熊之名。臺無走狗之號。上林絕胡  
人之搏。禁地無張京之犯。而突出羽川。來攀御  
檻。光踰厚壁。殆惑朱公之價。色麗燭銀。將堪穆  
王之寶。

謝東宮賜聖僧餘饌啓

齊桓柏寢之器。周穆軒宮之寶。乳糜香飯。素糝  
糗粢。五杏七桃。靈瓜仙棗。莫不氣馥上天。薰流  
下界。石崇芳果。金谷僅於萬株。陳湯木滋。杜陵  
幾于千樹。猶自高謝珍奇。多慙品族。



謝東宮賜淨饌啓

糜獻牛牧。飯出龍宮。千品甘露之食。百花珍藥之果。餅蕪髓乳。漿苞蔗柰。雕盤流其滋旨。寶噐委其色香。足使五世長者。羞彼識味。一角仙人。恥其呪術。微物多幸。叨奉曲恩。性命可捐。殊私難答。

謝晉安王賜婚錢啓

孝威問吉已通。請期有日。而賢夫之譽。多愧張耳。非壻之才。偶同王粲。睠言前事。良以自羞。曲

降隆慈。俯垂珍錫。便使禽贊獲舉。纁幣有資。佩服寵靈。殞越非報。

謝東宮賚炭

洛城雪深。不見海神之跡。滹沱冰合。無待王霸之覘。聚而爲岳。大壯黑山。稱之以舩。將重牙獸。鑪生烽焰。室滿紅光。雉裘入而識奢。鼠布焚而無污。

謝東宮賚鹿脯等啓

上林絕胡人之搏。禁地無張京之犯。而猶有班



超游獵。李廣馳射。遠歸於厨吏。入貢於腊人。形  
圖三事之車。影入九仙之鏡。

謝東宮賚藕啓

色華玉樹。味奪瓊漿。根出楊池。聞之僮約。子爲  
靈散。得自莊篇。楚后江萍。秦公海棗。凡厥水羞。  
莫敢相輩。

爲皇太子謝勅賚功德馬啓

伏惟忘我徇物。屈已濟民。該天地而大捨。總日  
月而爲施。旣脫輶於金輪。又解驂於紺馬。出金

吾之水服駟駢之廐名高夏后之龍價倍田方  
之贖謹當秣以柏葉飴以丹棗加之玉鞍飾之  
金絡

謝南康王饗牛啓

雖復蜀守神牛秦公怒特穆王白角何氏瑩蹄  
無以逾其勁力邁其致遠直宿九重獲免疏步  
路休三逕且息徒行從祀甘泉方無假於丞相  
騎至清廟又永笑于博陽



臣等謹將所擬章程繕具清單

具奏伏乞聖鑒訓示謹奏

奉 硃批 著照所擬章程欽此

臣等謹將所擬章程繕具清單

具奏伏乞聖鑒訓示謹奏

奏

臣等謹將所擬章程繕具清單

具奏伏乞聖鑒訓示謹奏

書

謝賚林檎書

勇聞齊國止錫二桃。遠至仙方。裁蒙數棗。豈如  
恩豐漢篋。賜廣魏奩。姹女數而僅通。筭郎計而  
方得。生於玉井之側。出目金膏之地。上靈所貴。  
下土希逢。



子集

子集

子集

子集

子集

子集

子集

子集

贊

辟厭青牛畫贊

泰山怒特、吳渚神牛、氣噓風噴、精迴電流、詎牽  
和鞅、不入裴鞅、狡力難京、肆怒橫行、朗陵瑩角、  
介葛瞻聲、遁仙託稱、妖寇馮名、名震八區、威陵  
五都、蓄勇槽側、息憤場隅、仇覽獻豆、滕嬰進芻、  
雄兒楷式、悍士規模、曹興拂采、徐邈成圖、

正旦春雞贊

寶雞陳倉、祠光表神、雄飛帝漢、雌飛霸秦、排膺



激怒礪翅張瞋電鞭失焰雷車折輪助標魏教  
擅塲齊珍名流晉戟歌傳漢臣竊脂善盜搏穀  
難馴綠鸚智淺蒼鷹害深兼姿五德歸于翰音

樂府

隴頭水

從軍戍隴頭。隴水帶沙流。時觀胡騎飲。常爲漢  
國羞。釁妻成兩劍。殺子祀雙鉤。頓取樓蘭頸。就  
解郅支裘。勿令如李廣。功多遂不酬。一作功遂  
不封侯

驄馬驅

十五宦期門。二十屯邊徼。犀羈玉鏤鞍。寶刀金  
錯鞘。一隨驄馬驅。分受青蠅吊。且令都護知。願  
被將軍照。誓使氊衣鄉。掃地無遺噍。



公無渡河

請公無渡河。河廣風威厲。檣偃落金烏。舟傾沒  
犀。柂紺蓋空嚴祠。白馬徒生祭。街石傷寡心。崩  
城掩孀袂。劍飛猶共水。魂沈理俱逝。君爲川后  
臣。妾作江妃娣。

塘上行苦辛篇

蒲生伊何陳。曲中多苦辛。黃金坐銷鑠。白玉遂  
緇磷。裂衣工毀嫡。掩袖切讒新。嫌成跡易已。愛  
去理難申。秦雲猶變色。魯日尚迴輪。妾歌已腸

君心終未親

東西門行

此似應詔  
餞贈之作

廣津寒欲歇，聯檣密纜收。  
天高匝近岫，江濶少方舟。  
餞淚畱神眷，離歆切私儔。  
佇變齊兒俗，當傳楚獻囚。  
徒然頒並命，祇惡思如抽。

怨詩

退寵辭金屋，見譴斥甘泉。  
枕席秋風起，房櫳明月懸。  
燭避窓中影，香迴爐上煙。  
丹庭斜草徑，素壁點苔錢。  
歌起蒲生曲，樂奏下山絃。  
新聲昔廣



宴餘杯今自傳，王嬙向絕漠。宗女入祈連，鴈書猶未返。角馬無歸年，昭臺有媵御。曾坂無棄捐，後薪隨復積。前魚誰更憐。

採蓮曲

金漿木蘭船，戲採江南蓮。蓮香隔浦渡，荷葉滿江鮮。房垂易入手，柄曲自臨盤。露花時濕釧，風莖乍拂鈿。

小臨海

碣石望山海，留連降尊極。秦帝在鈎陳，漢家增

禮秩石橋終不成，桑田竟難測。蜃氣遠生樓，鮫人近潛織。空勞帝女填，詎動波神色。

思歸引

胡地憑良馬，懷驕負漢恩。甘泉烽火入，回中宮室燔。錦車勞遠駕，繡衣疲屢奔。貳師已喪律，都尉亦銷寬。龍堆求援急，狐塞請先屯。櫪下驅雙駿，腰邊帶兩鞬。乘障無期限，思歸安可論。一作言

妾薄命篇

去年從越障，今歲沒胡庭。嚴霜封碣石，驚沙暗



井陘王參久落鬢羅衣。長挂屏浴蠶思漆水條。  
桑憶鄭垞寄書朝鮮吏。留釧武安亭。勿言戎夏  
隔。但令心契冥。不見豐城劍。干祀復同形。

鬪雞篇

丹雞翠翼張。妬敵復專場。翅中含芥粉。距外耀  
金芒。氣踰上黨烈。名貫下韞良。祭橋愁魏后。食  
跖忌齊王。願賜淮南藥。一使雲間翔。

結客少年場行

少年本六郡。遨遊遍五都。插腰銅七首。障日錦

屠蘇驚羽裝銀鏑。犀膠飾象弧。近發連雙兔。高  
彎落九鳥。邊城多警急。節使滿郊衢。居延箭箠  
盡。疎勒井泉枯。正蒙都獲接。何由憚險途。千金  
募惡少。一揮擒骨都。勇餘聊蹴踘。戰罷暫投壺。  
昔爲北方將。今爲南面孤。邦君行負弩。縣令且  
前驅。

行行且遊獵篇

之罘講射所。上林娛獵場。選徒驕楚客。召狩誇  
胡王。旱車已戒道。風鳥復起行。飮飛具贈繳。材



官命蹶張、高且掩月兔、勁矢射天狼、躡地不遑  
逸、排虛豈及翔、日暮勾陳轉、風清饒吹颺、歸來  
宴平樂、寔肯滯禽荒、

雀乳空井中

晉傅玄詩曰、鵲巢丘  
城側、雀乳空井中、

遠去條支國、心知漢德休、

一作優

聊栖丞相府、過

令黃霸羞挾子、須閒地空井、共尋求、轆轤絲綆  
絕、桔槔冬、蘚周、將憐羽翼張、誰辭各背遊、

半渡溪

本厠偏伍伴。一戰殄凶渠。制賜文犀節。驛報紫泥書。入營陳御蓋。還家乘紫車。皇恩知己重。丹心恨不紆。渡瀘且不畏。凌溪嗟有餘。

獨不見

夫婿結纓簪。偏蒙漢寵深。中人引卧內。副車遊上林。綬染瑯瑯草。蟬鑄武威金。分家移甲第。留妾住河陰。獨寢鴛鴦被。自理鳳凰琴。誰憐雙玉筍。流面復流衿。

行幸甘泉宮歌



漢家迎夏畢，避暑甘泉宮。棧車鳴里鼓，駟馬駕  
相風。校尉烏桓騎，待制樓煩弓。後旌猶五柞，前  
笳度九嶷。才人豹尾內，御酒屬車中。輦迴百子  
閣，扇動七輪風。鳴鐘休衛士，披圖召後宮。材官  
促校獵，涼秋一作秋來戲射熊。

箜篌謠

結交在相得，骨肉何必親。甘言無忠實，世薄多  
蘇秦。從風暫靡草，富貴上昇天。不見山巔樹，摧  
折下爲薪。豈甘井中泥，上出作埃塵。一作時至出作塵

驄馬驅

翩翩驄馬驅，橫行復斜趨。先救遼城危，後拂燕  
山霧。風傷易水湄，日入隴西樹。未得報君恩，聯  
翩終不住。

和王竟陵愛妾換馬

驄馬出樓蘭，一步九盤桓。小史贖金絡，良工送  
玉鞍。龍驂來甚易，烏孫去實難。麟膠妾猶有，請  
爲急弦彈。

擬古應教一首

七言  
云東飛  
樂府作孝威詩題  
伯勞歌英華作簡



文帝非也簡  
文別有二首

雙棲翡翠兩鴛鴦。巫雲洛月乍相望。誰家妖冶  
折花枝。蛾眉曼睢使情移。青鋪綠璫琉璃扉。瓊  
筵玉筍金縷衣。美人年幾可十餘。含羞轉笑歛  
風裾。珠丸出彈不可追。空留可憐持與誰。

鷄鳴篇

以下雜言  
文作簡文帝藝

埒鷄識將曙。長鳴高樹巔。啄葉疑彰羽。排花彊  
欲前。意氣多驚舉。飄揚獨無侶。陳思助鬪。協狸  
。郗昭如敵。安金距。丹山可愛。有鳳凰。金門飛

舞有鴛鴦何如五德美豈勝千里翔

烏生八九子

城上烏一年生九雛枝輕巢本狹。風多葉早枯。  
毳毛不自暖張翼強相呼。金柝嚴兮翠樓肅。蜃  
壁光兮椒泥馥。虞機衡網不得施。猜鷹鷂隼無  
繇逐。永願共棲曾氏冠。同瑞周王屋。莫啼城上  
寒。猶賢野中宿。羽成翮備各西東。丁年賦命有  
窮通。不見高飛帝輦側。遠託日輪中。尚逢王吉  
箭。猶嬰后羿弓。豈如變彩救燕質。入夢祚昭一作



周公流聲表師退，集幕示營空。  
靈臺已鑄像，流蘇時候風。

詩

重光詩

并序 以下四言 以

重光儲后宣制義也

赫赫重光，明明二聖。帝作儲述，禮和樂正。中衢  
置樽，高堂懸鏡。其酌不窮，其明逾盛。德音孔昭，  
民胥攸詠。明明二聖，赫赫重光。風神灑落，容止  
汪洋。瞻彼談扇，載抑載揚。何斯天辯，如圭如璋。  
顏閔函席，游夏升堂。以卿以士，惟公惟王。思媚  
儲君，顧哉樂康。芄芄黍苗，陰雨膏之。詵詵纓冕



儲王導之，道之以禮，齊之以仁，禮則探聖言，則窮神，訓于四國，覃千萬民。

侍宴樂遊林光殿曲水

蒸哉軒頊，赫矣堯心。女媧補石，重華索一作金

湯羅禹扇，羲瑟農琴。皇乎備矣，受命君臨。試舟五反，和樂九成。鈎楯秘戲，協律新聲。丹杯水激，縫彩葩榮。天吳還往，海若逢迎。

奉和簡文帝太子應令

以下五言

太子天下本，元良萬國貞。周朝推上嗣，漢代紀

重明前星涵瑞彩，沔雷揚遠聲。三善傳樂正，百  
行紀司成。九流遍已辨，七經咸所精。博聞強子  
政，高才陵長卿。禮尊逾屈已，德盛益卑情。仙氣  
胎一作鍾相，儒道推栢榮。延賢博望苑，視膳長  
安城。園綺隨金輅，浮邱侍玉笙。智囊前歛笏，端  
士後垂纓。九仙良所重，四海更誰傾。班輸同策  
乘，甲館齊蓬瀛。

三日侍皇太子曲水宴

二龍巡夏代，八駿馭周朝。豫遊光帝則，樂飲盛



劉氏子集 卷全  
民謠、皇儲、遵洛、襖濫觴、追霸、橋掌、袞開、神籙司、  
馬動、鑾鑣、周旗、交采、眊晉、鼓雜、清簫、旌宮、臨廣、  
隰藻、衛爍、巖椒、蘭樽、沿曲、岸靈、若泝、迴潮、

奉和六月壬午應令

玄圃棲金碧、靈澗挹琨瑤、築山圖碣岫、穿池控  
海潮、雷奔石鯨動、水澗牽牛遙、乘黿猶却渡、鞭  
石詎成橋、岸崩下生窟、壁峭上千霄、噪蛙常獨  
沸、游魚或自跳、荒徑橫臨浦、空舟斜插橈、愁鴟  
集、古樹白鷺隱、青苗神心重、邱壑散步懷、漁樵

石累元卿徑枝挂許繇瓢伊臣本寂寞繇來畏  
市朝爲貪止山水所競惟逍遙寄言周伯况勞  
君擅縠綃

登覆舟山望湖北

紫川通太液丹岑連少華堂皇更隱映松灌雜  
交加荇蒲浮新葉漁舟繞落花浴童爭淺岸漂  
女擇平沙極望傷春日迴車歸狹斜

帆渡吉陽洲同孝儀賦

江風

一作潮

凌曉急鉦鼓候晨催幸息榜人唱聊



望高帆開、聯村倏忽盡、循汀俄頃回、疑是傍洲  
退、似覺前山來、將與圖南競、誰云勞泝洄、

出新林

芒山眠洛邑、函谷望秦京、遙分承露掌、遠見長  
安城、故鄉已可識、遊子必勞情、霧罷前林見、一作  
曠風息、涌川平、坐觀暮潮落、漸見夕煙生、無由  
一羽化、徒想御風輕、

邳縣遇見人織率爾寄婦

妖姬含怨情、織素起秋聲、度梭環玉動、踏躡珮

珠鳴經稀疑杼澁緯斷恨絲輕葡萄始欲罷鴛  
鴦猶未成雲棟共徘徊紗窗相向開窻疎眉語  
度紗輕眼笑來籠籠隔淺紗的的見粧華鏤玉  
同心藕一作帶雜寶連枝花紅衫向後結金簪臨  
鬢斜機頂挂流蘇機傍垂結珠青絲引伏兔黃  
金繞轆轤豔彩裙邊出芳脂口上渝百城交問  
遺五馬共踟躕直爲閨中人守故不要新夢啼  
漬花枕覺淚濕羅巾獨眠真自難重衾猶覺寒  
逾憶凝脂緩彌想橫陳歡行驅金絡騎歸就城



南端城南稍有期，想子亦勞思。  
羅衣久應罷，花釵堪更治。  
新粧莫點黛，余還自畫眉。

侍宴賦得龍沙宵明月

鵲飛空繞樹，月輪殊未圓。  
嫦娥望不出，桂枝稍隱殘。  
落照移樓影，浮光動壑瀾。  
櫪馬悲笳吹，城烏啼塞寒。  
傳聞機杼妾，愁余衣服單。  
當秋絡已脆，銜啼織復難。  
歛眉雖不樂，舞劍強爲歡。  
請謝函關吏，行當封一丸。

奉和晚日

虬簷挂珠箔、虹梁卷霜綃、迷迭涵香長、芙蓉逐  
浪搖、飛輪搏羽扇、翻車引落潮、甘泉推激水、迎  
風慙遠颺、寄言王待詔、因聲張子僑、吾君安已  
樂、無勞誦洞簫、

和皇太子春林晚雨

雲樹交爲密、雨日共成虹、雷舒長男氣、枝搖少  
女風、葉珠隨滴水、簷繩下溜空、蝶濡飛不颺、花  
沾色更紅、明離信養德、能事畢春宮、誰堪偶鳳  
吹、唯有浮邱公、



行還值雨又爲清道所駐

齊楚磐石貴。韓吳異姓王。俱乘早朝罷。相隨出  
建章。喧呼驚里閭。叫咷駭康莊。阜駟同隼擊。青  
索似鷹揚。掖門南北遠。複道東西長。旛旗爭絡  
繹。官騎鬱相望。微風生柴傳。輕雨潤帷裳。油衣  
分競道。小葢列成行。八舍便繁密。五營輿服光。  
迴車避司隸。俄軒揖內郎。况余白屋士。自依卑  
路傍。日月雖臨照。仄陋難明敷。早榮羞日及。晚  
知慙豫章。徒抱凌雲志。終愧摩天翔。安能久淪

辱圖南會有方

望雨

清陰蕩暄濁，飛雨入階廊。  
瞻空亂無緒，望霽耿成行。  
交枝含曉潤，雜葉帶新光。  
浮芥離還聚，沿漚滅復張。  
浴禽飄落毳，風苐散餘香。  
璫綃挂繡幕，象簟列華牀。  
侍童拂羽扇，厨人奉盥漿。  
寄言楚臺客，雄風詎獨涼。

苦暑

暮日苦炎溽，遷坐接階廊。  
月麗姮娥影，星含織



女光棲禽動夜竹、流螢出閨墻、香盤糝鮮粉、雕  
壺承玉漿、白羽徒垂握、綠水自周堂、弱紈猶覺  
重、織絺尚少涼、弄風思漢朔、戲雨憶吳王、玄冰  
術難驗、赤道漏猶長、誰能更吹律、還令黍谷涼、  
奉和逐涼

鐘鳴夜未央、避暑起徬徨、長河似曳素、明星若  
散璫、倚巖欣石冷、臨池愛水涼、月織張敞畫荷  
妖、韓壽香、對此遊清夜、何勞娛洞房、

望棲鳥

夕鳥飛參差，單雄雜寡雌。聯翩歸葉裏，出沒噪  
林垂。爭棲時易樹，驚飛忽度枝。雖無繫書重，亦  
有含纓疲。以茲憔悴力，重逢輕薄兒。珠丸蘇合  
彈，金繳青絲縻。豈意翩翹羽，遂免更羸危。人懷  
欣得地，依林竊願知。

和簡文帝臥疾

玉躬耗寒暑，羣望崇珪璧。仁祀盛黃縑，禮壇優  
紺席。億均楚疾愈，俄同宋年益。豈勞誦賦臣，甯  
用觀濤客。



賦得曲澗

澗流急易轉，溪竹暗難開。  
近樓俄已失，前洲忽復迴。  
石岸生寒蘚，沈根漬水苔。  
菱舟失道去，歸鳥迷徑來。

奉和湘東王應令二首

春宵

花開人不歸，節暖衣須變。  
迴釵挂反環，拭淚繩春線。  
今夜月輪圓，胡兵必應戰。

冬曉

妾家邊洛城，慣識曉鐘聲。鐘聲猶未盡，漢使叢  
應行。天寒硯冰凍，心悲書不成。

詠織女

玉臺初學  
作孝儀

金鈿已照耀，白日未蹉跎。欲待黃昏至，含嬌度  
淺河。

七夕穿針

和簡文

縷亂恐風來，衫輕羞指現。故穿雙眼針，持縫合  
歡扇。

九月酌菊酒



露花疑始摘、羅衣似適薰、餘杯度不取、欲持嬌、使君、

賦得鳴蟬應令

雜扇雖俱歛、交行忽自分、轉袖時繞腕、揚履自開裙、

和定襄侯初筭

合髮仍昔髮、略鬢卽前絲、從今一梳罷、無復更縈時、

古體雜意

朝日大風霜寄事足交傷葉落枝柯淨常自起  
基張

詠佳麗

可憐將可念可念直千金唯言有一恨恨不遂  
人心

望隔墻花

隔墻花半隱猶見動花枝當由美人摘詎止春  
風吹

枯葉竹



枯楊猶更綠，臥柳尚還生。勿嫌鳳不至，終當待聖明。

和簾裏燭

開關簾影出，參差風焰斜。浮光燭綺帶，凝滴汗垂花。

詠剪綵花

葉舒非漸大，花發是初開。無論人訝似，蜂見也爭來。

契飲嘉樂殿詠曲水中燭影

七言

火浣花心猶未長，金枝密焰已流芳。  
芙蓉池畔涵停影，桃花水脈引行光。

賦得香出衣

雜言

香出衣步近，氣逾飛。博山登高用，鄴錦含情動。  
靨比洛妃香，纓麝帶縫金。縷瓊花玉勝，綴珠徽  
蘇合。故年微恨歇，都梁路遠恐非新。猶賢漢君  
芳千里，尚笑荀令止三旬。





本傳

孝威初爲安北晉安王法曹，轉主簿，以母憂去職服闋，除太子洗馬，累遷中舍人。庶子率更令並掌管記，大同九年，白雀集東宮，孝威上頌，其辭甚美。太清中，遷中庶子兼通事舍人，及侯景寇亂，孝威於圍城得出，隨司州刺史柳仲禮西上，至安陸，遇疾卒。

梁劉庶子集終



衆隆烈于集錄

士至矣烈烈矣卒

家猶幸烈依國如野出烈同烈陳史將於烈西


賴甚美太散中烈中烈于兼烈事舍人烈烈烈

並掌管時大同武卒白登集東宮幸烈土降其

鄰烈烈烈烈烈烈烈烈烈烈烈烈烈烈烈烈烈烈

幸烈烈烈烈烈烈烈烈烈烈烈烈烈烈烈烈烈烈







36